



Fylkesmannen
Kommunen

Postadresse: Postboks 8140 Dep.
NO-0033 Oslo, Norway
Besøksadresse: Stortingsgt. 28

Telefon: +47 24 13 10 00
Telefaks: +47 24 13 10 05
E-post: postmottak@slf.dep.no
Internett: www.slf.dep.no

Kontaktperson: **For kommunen:** Fylkesmannen

For fylkesmannen: Statens landbruksforvaltning
ved Seksjon direkte tilskot (SDT)

Org.nr.: NO 981 544 315 MVA
Bankkonto: 7694 05 02280

Vår dato: 05.06.2012

Vår referanse: 201200001-19/001

Rundskrivet erstatter:

Vedlegg:

Kopi til: Landbruks- og matdepartementet

Utbetaling av produksjonstilskot og tilskot til avløsning ved ferie og fritid, etter søknad med frist 20. januar 2012

Hovudutbetaling av produksjonstilskot og tilskot til avløsning ved ferie og fritid, etter søknad med frist 20. januar 2012, skjer onsdag 6. juni. Dette rundskrivet omhandlar både hovudutbetalinga og handtering av manuelle utbetalingar. Statens landbruksforvaltning (SLF) vil òg informere om utbetalinga på www.slf.dep.no.

Utbetalinga med søknadsfrist 20. januar omfattar følgjande tilskot:

- tilskot til husdyr
- driftstilskot til mjølkeproduksjon
- driftstilskot til spesialisert kjøttfeproduksjon
- tilskot til økologisk husdyrproduksjon
- tilskot til bevaringsverdige storferasar
- distrikts- og kvalitetstilskot til frukt, bær og veksthusgrønsaker
- distriktstilskot for potetproduksjon i Nord-Noreg
- tilskot til avløsning ved ferie og fritid, 2011

Om lag til same tid vert det utbetalt kompensasjon for bortfall av produksjonstilskot og tilskot til avløsning ved ferie og fritid til føretak som deltek i tiltaket "Friskare geiter".

Innhold

1	Tilskotsbrev og utbetaling ved den sentrale utbetalinga.....	2
2	Søknader som vert avslått og avvist.....	3
3	Søknader som er stoppa sentralt eller av Fylkesmannen	4
4	Utbetalinger etter sentral utbetaling (manuelle utbetalinger).....	5
4.1	Rutine for manuelle utbetalinger	5
4.2	Hjelpeutrekning	5
4.3	Køyring av manuelle utbetalinger	6
4.4	Kontroll av manuelle utbetalinger	6
5	Satsar og utrekningsreglar.....	6
5.1	Tilskot til husdyr.....	6
5.2	Tilskot til bevaringsverdige storferasar	8
5.3	Driftstilskot til mjølkeproduksjon	9
5.4	Driftstilskot til spesialisert kjøttfeproduksjon	9
5.5	Tilskot til økologisk landbruk.....	9
5.6	Distrikts- og kvalitetstilskot til frukt, bær og veksthusgrønsaker og distriktstilskot til potetproduksjon i Nord-Noreg.....	10
5.7	Tilskot til avløyning ved ferie og fritid, avløyingsåret 2011	11
6	Reduksjonar i tilskot	12
7	Trekk i utbetalinger.....	13

1 Tilskotsbrev og utbetaling ved den sentrale utbetalinga

Alle søkjarar, som har gyldig søknad, mottek ca 6. juni eit sentralt produsert brev. Søkjar vil normalt ha pengane på konto innan fredag 8. juni.

Det sentralt produserte brevet informerer anten om kommunen sitt vedtak, og syner grunnlaget for utrekning av tilskot, satsar og utbetalt beløp (tilskotsbrev), eller informerer om at søknaden enno ikkje er ferdig handsama. Forklaring av tekster i tilskotsbrevet for dei søknadene som er avslått, avvist eller stoppet av andre grunner i den sentrale utbetalinga, går fram av kapittel 2. Kopi av tilskotsbreva er tilgjengeleg for kommunen via WESPA i rapport PT-2230. Sjå òg lista PT-5040, som syner utbetalt beløp.

Tilskotsbreva vert sende til den adressa som føretaket/bedrifta har registrert i Einingsregisteret.

Pengane vert overført til den kontoen som er oppført på søknaden, eller til ny konto, dersom forvaltninga har fått melding om dette. Dersom søkjar har skifta konto etter at søknaden vart sendt inn, men har gløymd å gje melding til forvaltninga, vil utbetalt beløp gå til kontoen som er oppført på søknaden. Bankane har ulik praksis med omsyn til korleis dette vert handsama. I nokre tilfelle vil banken overføre beløpet til kunden sitt nye kontonummer, og i andre tilfelle vert beløpet returnert til SLF. I slike tilfelle kan SLF ikkje setje i verk ny utbetaling av tilskot før beløpet er returnert til SLF og søkjar har gjeve *skriftleg* opplysning om nytt kontonummer. Endringsskjema for kontonummer (SLF-056) kan hentast på www.slf.dep.no – skjema.

2 Søknader som vert avslått og avvist

Dersom søknaden om produksjonstilskot vert stoppa, vert òg søknad om avløysartilskot stoppa. Dersom utbetalinga av tilskot til avløyning ved ferie og fritid er stoppa, vert produksjonstilskotet utbetalt om søkjar fyller vilkåra for tilskotet.

Søknader med feilmelding (jf. lista PT-1003)

635 *Søknaden er avslått, foretaket ikke opprettet innen søknadsfristen*

636 *Søknaden er avslått, foretaket ikke i MVA-registeret innen søknadsfristen*

vert avslått direkte. Det vil seie at søkjarane mottek vedtak om avslag i tilskotsbrevet ved hovudutbetalinga av produksjonstilskot. Føretaka fyller ikkje § 3 i forskrifta om å vere føretak innan søknadsfristen og vera registrert i Meirverdiavgiftsmanntalet innan søknadsfristen, eller ha hatt samla omsetnad og uttak av avgiftspliktige varer og tenester på til saman minimum 20 000 kr i løpet av dei siste 12 månadene før registreringsdatoen.

Søknad frå føretak som ikkje var oppretta innan søknadsfristen får fylgjande vedtak i tilskotsbrevet:

”Søknad er avslått fordi føretaket ikkje var registrert i Einingsregisteret innan søknadsfristen jf. forskrift om produksjonstilskot i jordbruket § 3.”

Søknad frå føretak som ikkje var registrert i Meirverdiavgiftsmanntalet innan søknadsfristen, eller som ikkje har hatt samla omsetning og uttak av avgiftspliktige varer og tenester på til saman minimum kr 20 000 i løpet av dei siste 12 månader før registreringsdato, får fylgjande vedtak i tilskotsbrevet:

”Søknad er avslått fordi føretaket ikkje var registrert som meirverdiavgiftspliktig innan søknadsfristen 20. januar, eller har hatt samla omsetnad og uttak av avgiftspliktige varer og tenester på til saman minimum kr 20 000 i løpet av perioden 01.01.2011 - 31.12.2011, jf. forskrift om produksjonstilskot i jordbruket § 3.”

Søknader med feilmelding:

650 *Mottatt dato er etter 21.02.*

vert avvist direkte, og søkjarane får fylgjande vedtak i tilskotsbrevet:

”Søknaden er avvist fordi søknaden vart levert 21. februar eller seinare. Det er ikkje innvilga dispensasjon frå søknadsfristen, jf. forskrift om produksjonstilskot i jordbruket §§ 9 og 10.”

Søknader med feilmelding:

637 *Søknaden avslått av kommunen*

får ikkje tilskotsbrev ved utbetalinga. Kommunen må skrive vedtak om avslag, dersom dette ikkje allereie er gjort.

Søknader med feilmelding:

639 *Søknaden avvist av kommunen*

får ikkje tilskotsbrev ved utbetalinga. Kommunen må skrive vedtak om avvising dersom dette ikkje allereie er gjort.

Avløysarsøknader med feilmelding:

644 *Stoppet avløysersøknad*

vert avslått direkte, og søkjarane mottek vedtak om avslag i tilskotsbrevet.

Søknader som er stoppa i inputkontrollen med feilkode 245 og 246, får fylgjande vedtak i tilskotsbrevet:

”Søknad om avløysartilskot for 2011 er avslått etter kontroll av utgifter og opplysningar i søknaden. Resultatet av kontrollen viser at du ikkje har hatt utgifter til avløyning i 2011.

Opplysningar om utgifter til avløysar, der søkjar har arbeidsgjevaransvar, er kontrollert mot løns- og trekkoppgåveregisteret i Skattedirektoratet. Opplysningar om kjøp av avløysar-tenester frå avløysarlag er kontrollert mot opplysningar frå avløysarlag.”

Søknader som er stoppa i inputkontrollen med feilkode 247, får fylgjande vedtak i tilskotsbrevet:

”Søknad om avløysartilskot for 2011 er avslått på grunn av at du ikkje var rettkomen avløysartilskot i 2011.”

Søknader som er stoppa i inputkontrollen med feilkode 256, 257, 258, 259 eller 260 får fylgjande vedtak i tilskotsbrevet:

”Søknad om avløysartilskot er stoppa. Ta kontakt med kommunen for nærare opplysningar.”

Ver difor merksam på at søkjarar som har fått denne teksten tar kontakt med kommunen, for å få ei avklaring på kvifor dei ikkje får utbetalt avløysartilskot.

3 Søknader som er stoppa sentralt eller av Fylkesmannen

Søknader som er stoppa frå den sentrale utbetalinga, må vurderast nærare, før vedtak kan fattast og utbetaling eventuelt kan skje. Lista PT-1003 syner kva søkjarar dette gjeld og kva som er årsak til stopp. Dette gjeld søknader med meldingane:

- 607 Kontrollskjema reg. mangler ord. søknadsskjema
- 608 Kontrollskjema er ikke registrert
- 609 Søknadsskjema feilmeldt, men ikke rettet
- 610 Kontrollskjema feilmeldt, men ikke rettet
- 621 Utbetaling stoppet pga ugyldig postnr/adresse
- 645 Søknaden stoppet av fylkesmannen
- 646 Pålagt kontroll er ikke utført

Dei aktuelle søkjarane får tilsendt eit tilskotsbrev samtidig med at hovudutbetalinga går, der dei vert varsla om at det er tilhøve ved søknaden som må undersøkjast nærare:

”Søknaden om produksjonstilskot pr. 20.01.12 er registrert, men det er oppdaga forhold ved søknaden som må undersøkjast nærare. Dette vil kommunen starte med snarast. De vil få melding så snart søknaden er handsama.”

Ved vurderinga av slike søknader skal det takast utgangspunkt i situasjonen på registreringsdato 1. januar 2012 og sjå om føretaket stettar krava i forskrift om produksjonstilskot i jordbruket og forskrift om tilskot til avløyning.

4 Utbetalinger etter sentral utbetaling (manuelle utbetalinger)

I samband med handsaming av søknader, klage på vedtak og manuelle utbetalinger, viser SLF til forskrift om produksjonstilskudd, forskrift om tilskot til avløyning og retningsliner gitt i rundskriv 20/11, 21/11, 41/11 og 08/12. Disse er tilgjengelig på www.slf.dep.no. For saksbehandlingsrutinar for dei manuelle sakene visast det spesielt til rundskriv 21/11 og 41/11.

Satsar og utregningsreglar som skal brukast for berekning av tilskot ved manuelle utbetalinger går fram av kapittel 5.

4.1 Rutine for manuelle utbetalinger

Rutine for manuelle utbetalinger vert etter planen distribuert til fylkesmannen i veke 24. Rutina gjeld både produksjonstilskot og tilskot til avløyning ved ferie og fritid. Meir informasjon vert sendt som e-post til fylkesmannen.

4.2 Hjelpeutrekning

For å hjelpe arbeidet med å rekne ut korrekt tilskotsbeløp for produksjonstilskot, tilbyr SLF hjelpeutrekning for registrerte søknader. På grunnlag av registrerte opplysningar vert det rekna ut brutto tilskot, oppdelt på aktuelle heimlar. Resultatet av utrekninga vert presentert for fylkesmannen i tilskotsbrevrapport PT-2210 og rapportane PT-890 og PT-891, som vert lagt på FM-sambandet. Fylkesmannen kan deretter nytte desse for registrering av beløp til utbetaling.

Hjelpeutrekninga gjeld òg avløysartilskot. Søknader som blir registrert i rutine for manuelle utbetalinger, vil få rekna ut maksimal refusjon for 2012 i hjelpeutrekninga. Ver merksam på at det er førebels satsar for 2012. Dei endelege satsane blir fastsett før utbetalinga i 2013.

For at data skal kome med i hjelpeutrekningane, må registreringa vere avslutta innan kl 12.00 dei datoane som er vist i tabellen under. Hjelpeutrekningane vert køyrd om ettermiddagen, og resultatata vil normalt vere klare dagen etter.

<i>Frist for registrering</i>	<i>Resultat klart</i>
Tysdag 12.6. kl 16.00	Torsdag 14.6.
Måndag 18.6. kl 12.00	Tysdag 19.6.
Måndag 25.6. kl 12.00	Tysdag 26.6.
Måndag 2.7. kl 12.00	Tysdag 3.7.
Måndag 9.7. kl 12.00	Tysdag 10.7.
Måndag 13.8. kl 12.00	Tysdag 14.8.
Måndag 20.8. kl 12.00	Tysdag 21.8.

4.3 Kjøring av manuelle utbetalinger

Utbetalingane vert gjennomført med grunnlag i fylka sine registreringar. SLF hentar ajourhaldsdataene **måndag 3. september**. Alle manuelle utbetalningar bør vere gjennomført innan denne datoen. Data registrert etter denne datoen vert ikkje overført til SLF.

Merk at data frå søknader som ikkje er ferdig handsama av fylkesmannen før 3. september ikkje vert tilgjengelege i LIB.

4.4 Kontroll av manuelle utbetalinger

I første halvdel av september vert dei manuelle utbetalingane kontrollert maskinelt. Resultatet av kontrollen får kommunen i listene PT-1201 og -895D. Det er viktig at kommunen går gjennom listene og gjer vedtak om tilbakebetaling om det er utbetalt for mykje tilskot.

5 Satsar og utrekningsreglar

For hovudutbetalinga 6. juni er dei gjeldande satsane og utrekningsreglane maskinelt utrekna for den enkelte søknad. For dei manuelle sakene skal dei same satsane og utrekningsreglane leggjast til grunn. Landbruks- og matdepartementet (LMD) har fastsett satsane for utbetaling av tilskot for søknadsomgangen 20. januar 2012. Nedanfor visast dei gjeldande satsane for dei ulike tilskota.

For alle ordningane er endeleg sats lik dei førebelse satsane i jordbruksavtalen, sjå òg rettleiingshefte om produksjonstilskot i jordbruket ved søknadsomgangane 20. august 2011 og 20. januar 2012. Merk at alle satsar er fastsett i heile kroner. Samanlikna med jordbruksavtalen er det ei endring for tilskot for slakta gris (kode 184 i søknad), sjå omtale i kapittel 5.1.1.

5.1 Tilskot til husdyr

5.1.1 Satsar og maksimalt utbetalt beløp

Etter jordbruksavtalen 2011-2012 kan det årlig maksimalt betalast ut 275 000 kr i tilskot til husdyr for kvart føretak. Ved utbetaling av tilskot til husdyr etter søknad i januar 2012 vert tilskotet avgrensa, slik at utbetalt tilskot i alt for augustomgangen 2011 og januaromgangen 2012 ikkje vert meir enn maksimalbeløpet. Merk at tilskot til økologisk husdyrproduksjon ikkje vert rekna inn i maksimalt årleg beløp for tilskot til husdyr.

For slakta gris (kode 184 i søknad) skal det gis tilskot til husdyr i intervallet 1-1 222 dyr, ikkje 1-1 400 slik det går fram av jordbruksavtala. Dette skyldes at tal slakta gris det er søkt tilskot for, er større enn 1 190 000 dyr, som er det maksimale talet dyr det kan nasjonalt gis tilskot for etter jordbruksavtalen. Det inneber at det vert gitt tilskot til husdyr for 87,25 % av tal dyr i kode 184 i søknad. Til dømes skal ein søkjar som har slakta 1 000 gris i 2011 få tilskot for $1000 \times 87,25 \% = 873$ slakta gris. **Merk at tal dyr med rett til tilskot òg skal reduserast ved manuelle utbetalningar.** Tal gris avrundast etter vanlege reglar for avrunding.

Tabell 1: Satsar for tilskot husdyr for utbetalinga for søknadsomgangen 20. januar 2012

<i>Dyreslag</i>	<i>Intervall</i>	<i>Sats i kr pr. dyr ¹⁾</i>	
Mjølkeku ²⁾	1-16	1 984	
	17-25	1006	
	26-50	400	
Ammeku ²⁾	1-25	2040	
	26-50	835	
Storfe ²⁾	1-250	400	
Mjølkegeit og mjølkesau ²⁾⁵⁾	1-125	660	
	126-250	256	
Sau/ammegeit over 1 år pr. 1. jan.	1-50	1105	
	51-100	894	
	101-200	347	
	201-300	210	
Utegangarsau, alle	1-300	210	
Lammeslakt ³⁾	kvalitet O og betre	185	
	lam slakta ved mindre slakteri ⁴⁾	169	
	tillegg for økologiske lam, kvalitet O og betre	40	
Kjeslakt	over 3,5 kg	80	
Avlsgris ²⁾			
	- Sør-Noreg	1-35	383
	-Jæren	1-35	308
	- Nord-Noreg	1-35	526
Slaktegris og gris solgt som livdyr med levende vekt på minst 50 kg			
	Utan om Jæren	1-1 222	20
	-Jæren ⁶⁾	1-1 222	16
Verpehøner og avlsdyr av ender, kalkunar og gjæser ²⁾			
	- Sør-Noreg	1-1 000	5
	- Nord-Noreg	1-1 000	12
	- landet	1 001-5 000	5
Unghestar under 3 år	alle	1 000	
Bikuber ⁷⁾	1-250	300	

1) Satsen er null kr pr. dyr over dei nemnde intervalla

2) For mjølkeku, ammeku, storfe, mjølkegeit, avlsgris, verpehøns og avlsdyr av ender, kalkunar og gjæser er tilskotet ved kvar av søknadsomgangane utbetalt etter 50 % av satsen for året. Det er 50%-satsen som er vist her.

3) Sats pr. økologiske lam, kvalitet O og betre, 225 kr/dyr, lam levert til mindre slakteri 209 kr/dyr

4) Sats utrekna som veid gjennomsnitt av all søknader om tilskot for slakta lam. Dette gjeld dyr i kode 476 i søknad

5) Føresetnad for tilskot til mjølkesau er at det kan dokumenterast at mjølka er nytta som råstoff i lokal foredling.

6) Jæren – kommunane Sandnes, Stavanger, Hå, Klepp, Time, Sola og Randaberg.

7) Føresetnad for tilskot er eit driftsomfang på minimum 25 kuber.

5.1.2 Utrekning av kompensasjon for bortfall av tilskot for søkjarar som deltek i prosjektet "Friskare geiter"

Deltakarar i tiltaket "Friskare geiter" får tilskot for dei dyra føretaket faktisk disponerar på teljedato. Føretaka skal få vederlag for tap av produksjonstilskot og tap av tilskot til avløyising ved ferie og fritid i tiltaksperioden, og det er fylkesmannen som utbetalar dette etter nærare reglar. Meir informasjon om utbetalinga kjem i eige brev til fylkesmannen i dei aktuelle fylka.

5.1.3 Særleg om tilskot til slakta lam

Som hovudregel er det berre dyr som er slakta og klassifisert av godkjend klassifisør som det kan gis tilskot for. For lam levert til slakteri som slaktar inntil 2000 sau/lam pr. år, er det ikkje eit slikt krav om at lam skal være klassifisert av godkjend klassifisør. Alle lam slakta ved slakteri med mindre en 2000 utan godkjent klassifisør lam først i kode 476. Dersom det er nytta godkjend klassifisør må dette handsamas manuelt.

Leveransar av slakt må vere rapportert på produsentnummeret til det føretaket som søker produksjonstilskot for å gje rett på tilskot, jf forskrift om produksjonstilskot §7: "*(...)Tilskuddet beregnes ut fra totalt antall dyr som disponeres av foretaket på det tidspunkt eller i den periode som er fastsatt i eller i medhold av jordbruksoppgjøret(...)*" Dette inneber at dersom slakt er levert frå andre produsentnummer enn det som høyrer til føretaket som søker tilskot, skal ikkje dyra takast med på søknaden om produksjonstilskot.

Dersom til dømes føretaket til dotter har levert slaktedyr på sitt produsentnummer og føretaket til far søker produksjonstilskot for desse dyra, har føretaket til far ikkje rett på tilskot for dyr som er levert av føretaket til dottera.

Lista PT-1050 "Lammeslakt" gir oversikt over grunnlaget som er brukt i den maskinelle kontrollen og den sentrale utrekninga av tilskot for slakta lam. Lista kan vere nyttig for å avdekkje om det er fleire som har levert lammeslakt frå same hovudnummer.

5.2 Tilskot til bevaringsverdige storferasar

Endeleg sats er 1 300 kr pr. dyr.

5.3 Driftstilskot til mjølkeproduksjon

Tabell 2: Satsar for driftstilskot til mjølkeproduksjon for utbetaling søknadsomgangen 20. januar 2012

	5 kyr eller meir pr. føretak, kr/føretak	4 kyr pr. føretak, kr/føretak	3 kyr pr. føretak, kr/føretak	2 kyr pr. føretak, kr/føretak	1 ku pr. føretak, kr/føretak
Kumjølkk, øvrige Sør-Noreg	55 500	44 400	33 300	22 200	11 100
Kumjølkk, Jæren ¹⁾	53 000	42 400	31 800	21 200	10 600
Kumjølkk, Nord-Noreg	58 500	46 800	35 100	23 400	11 700
		Ved 27 geiter eller fleire pr. føretak, kr/føretak		Redusert utbetaling pr. geit når det er færre enn 27 geiter pr. føretak, kr/geit	
Geitmjølkk		58 500		2 167	

1) Sandnes, Stavanger, Hå, Klepp, Time, Sola og Randaberg.

For samdrifter gjeld dei same satsane som for vanlige føretak.

For føretak som driv produksjon av både geitemjølkk og kumjølkk, skal driftstilskotet utreknas på den måten som er best for søkjaren. Til dømes vil eit føretak i som har 40 mjølkegeiter og 15 mjølkekyr få driftstilskot til mjølkeproduksjon etter satsen som gjeld for produksjon av geitemjølkk. Eit føretak i Sør-Noreg som har 14 mjølkegeiter og 3 mjølkekyr vil få 57 051 kr i driftstilskot til mjølkeproduksjon ($58\,500 - 2\,167 \times 13 + 55\,500 \times 13/27 = 57\,051$ kr).

5.4 Driftstilskot til spesialisert kjøttfeproduksjon

Satsane er fastsett til 1 170 kr pr. ammeku, rekna frå første ammeku, for føretak med 6 til 50 ammekyr, og 58 500 kr pr. føretak for føretak med fleire enn 50 ammekyr.

5.5 Tilskot til økologisk landbruk

Tabell 3: Satsar for tilskot til økologisk husdyrproduksjon for utbetaling, søknadsomgangen 20. januar 2012

Dyreslag	Tilskot til økologisk husdyrproduksjon, kr pr. dyr ¹	
	AK-sone 1-4	AK-sone 5-7
Mjølkeku	1 000	1 126
Ammeku	633	820
Andre storfe	168	235
Sau over 1 år pr. 1.1.	285	345
Mjølkegeit	68	78
Ammegeit	135	155
Avlsgris	168	168
Slaktegris	217	217

¹ Tilskotet vert gitt frå og med første søknadsomgangen etter at omlegging startar

For mjølkegeit og ammegeit er det lik sats pr. dyr og år. Ulik sats pr. dyr ved denne utbetalinga skuldast at for mjølkegeit er det to utbetalingar pr. år, for ammegeit ei utbetaling pr. år.

Tal slaktegris med rett på tilskot til økologisk landbruk (kode 831 i søknad) skal ikkje reduserast før utrekning av tilskot. Det inneber at omtale i kapittel 5.1.1 av reduksjon i utrekning av tilskot til husdyr for kode 184 ikkje gjeld for kode 831.

5.6 Distrikts- og kvalitetstilskot til frukt, bær og veksthusgrønsaker og distriktstilskot til potetproduksjon i Nord-Noreg

Grunnlaget for tilskota er produkt levert til godkjente omsetningsledd i perioden 1. januar til 31. desember 2011. Omsetningsleddet må vere godkjent av SLF. Det er ein føresetnad for utbetaling at kvantumet i årsoppgåvene frå omsetningsledda samsvarar med eller er større enn kvantumet i søknaden.

Rapporten PTG 100 på FM-sambandet syner fylkesvis kva føretaka har levert av produkt pr. omsetningsledd. Denne rapporten skal oppdaterast av Fylkesmannen, når det i samband med manuelle utbetalingar eller dispensasjonssøknader kjem korrigerte/nye årsoppgåver frå omsetningsledd. Det er viktig at rapport PTG 100 vert oppdatert etter kvart. Ved hjelpeutrekninga vert søknadene kontrollert mot rapporten.

Føretak som samla leverer under minstekvantum i tabell 4 har ikkje rett på tilskot.

Tabell 4: Minstekvantum for leveransar av frukt, bær og veksthusgrønsaker

<i>Produkt</i>	<i>Minstekvantum</i>
Frukt	2 000 kg
Bær	1 000 kg
Samla for tomat og slangeagurk	2 000 kg
Salat	5 000 stk

Distriktstilskot for potetproduksjon i Nord-Noreg har sats på kr 1,05 pr. kg matpotet levert til godkjent omsetningsledd.

Distrikts- og kvalitetstilskot for frukt, bær og veksthusgrønsaker er differensiert mellom grupper av produkt og soner. Tilskotet gis inntil maksimalt kvantum for kvar produktgruppe. I tillegg skal tilskotet avgrensast av ein maksimal sum pr. føretak. Maksimal sum er differensiert mellom soner, og gjeld alle produksjonane sett under eitt. Dersom det skal tildelast tilskot for fleire produkt innan same produktgruppe med felles maksimalkvantumsavgrensing, skal dei produkta med høgast sats prioriterast først ved utrekning av tilskotet.

Tabell 5: Satsar for distrikts- og kvalitetstilskot for frukt, bær og veksthusgrønsaker

Vekst	Intervall		Eining	Arealsoner						
	Frå	Til		1	2	3	4	5	6	7
Eple				1,53	2,05	2,05	2,05	4,48	0	0
Pærer				1,53	2,05	2,05	2,05	4,48	0	0
Plommer	1	50 000	kg	1,53	2,05	2,05	2,05	4,48	0	0
Kirsebær				1,53	2,05	2,05	2,05	4,48	0	0
Morellar				2,40	2,92	2,92	2,92	5,39	0	0
Eple og Pære til press				1,53	1,53	1,53	1,53	1,53	0	0
Bær	1	38 000	kg	1,29	1,29	1,29	2,97	2,97	4,89	4,98
Tomat	1	94 000	kg	1,20	1,20	1,20	2,40	2,40	3,60	3,60
Slangeagurk	1	138 000	kg	0,70	0,70	0,70	1,42	1,42	2,12	2,12
Salat	1	200 000	stk.	0,44	0,44	0,44	0,88	0,88	1,30	1,30
Maksimalbeløp				120 750	145 950	145 950	225 750	268 800	339 150	339 150

5.7 Tilskot til avløysing ved ferie og fritid, avløysåret 2011

5.7.1 Satsar

Øvre grense for avløysartilskot i 2011 er 66 600 kroner.

Tabell 6: Tilskot til avløysing ved ferie og fritid. Endelege satsar pr. dyr for 2011

Dyreslag (dyrekode på søknadsskjema)	Intervall	Sats kr/dyr
Mjølkekyr (120)	1-8 over 8 dyr	3697 2 510
Storfe (119)	Alle dyr	534
Mjølkegeiter og mjølkesauer (140, 139)	1-40 over 40 dyr	879 588
Ammekyr (121)	Alle dyr	885
Sauer over 1 år / ammegeiter (137,142)	Alle dyr	464
Avlsgrisar (155,156)	Alle dyr	1 057
Slaktegrisar (184)	Alle dyr	37
Verpehøner og avlsdyr av ender, kalkunar og gjæser (160, 168)	Alle dyr	9,3
Hestar (115,116)	Alle dyr	1 057
Avlskaninar (180)	Alle dyr	263
Gjæser/kalkunar (188, 189)	Alle dyr	3,24
Ender/livkyllingar (185,187)	Alle dyr	3,24
Slaktekyllingar (186)	Alle dyr	0,40
Økologiske slaktekyllingar (840)	Alle dyr	1,55
Revetisper (171)	Alle dyr	290
Mink-/ildertisper (170)	Alle dyr	85
Hjort	Alle dyr	359

5.7.2 *Lister i samband med utbetalinga*

Følgjande lister er spesielt aktuelle for utbetaling av avløysartilskot og finst tilgjengelig i Wespa og ROB:

PT5040 Hovudlista

Utbetalt avløysartilskot ved den sentrale utbetalinga i juni 2012 vil stå på hovudlista PT5040.

PT1001C Feilliste inputkontroll

Føretak som er feil- eller varselmelde står i liste PT1001C.

AVL423 Avviksliste kontroll mot Skattedirektoratet

Dette er avvikslista etter kontroll mot løns- og trekkoppgåveregisteret i Skattedirektoratet .

Ver merksam på at føretak som søker om avløysartilskot for bruk av eigen avløysar, og ikkje har innberetta løns- og trekkoppgåve til kommunekasserar, ikkje står på liste AVL423. I tilskotsbrevet står det at søknaden er avslått, fordi kontroll av utgifter viser at føretaket ikkje har hatt utgifter til avløysing i 2011.

AVL424 Kontroll mot avløysarlag

Dette er avvikslista etter kontroll mot opplysningar frå avløysarlag.

AVLE900 Hovedliste oppstart nytt år

Denne lista viser førebels maksimal refusjon for alle føretak i 2012.

5.7.3 *Utrekna maksimal refusjon for 2012*

I tilskotsbrevva som vert send ut i juni 2012 vert søkerane orientert om kva dei har i maksimalt avløysartilskot for 2012, utrekna etter førebelse satsar i jordbruksavtalen 2012-2013. Satsane aukar med 3,5 % frå 2011, og maksimalbeløpet er sett til 69 000 kr/føretak. For informasjon om førebelse satsar for det enkelte dyreslag, visast det til jordbruksavtala 2012-2013.

6 **Reduksjonar i tilskot**

Det skal trekkjast eit botnfrådrag på 3 000 kr pr. føretak pr. år. Så langt det var mogleg vart botnfrådraget trekt ved utbetalinga i februar. Dersom det står igjen noe av dette frådraget ved januaromgangen, samt for alle nystarta føretak, skal det trekkjast botnfrådrag for januaromgangen. Det same gjeld reduksjon grunna manglande eller mangelfull miljøplan, jf. tabell under:

Tabell 7: Reduksjon i tilskot som følgje av manglande eller mangelfull miljøplan

<i>Areal, daa</i>	<i>Reduksjon, kr</i>
< 250	8 000
251 – 500	12 000
> 500	18 000

Minste beløp som kan utbetalast er kr 300. Dette gjeld sum produksjonstilskot og tilskot til avløysing.

Ved den sentrale utbetalinga vil SLF setje i verk trekk for søknader som er levert for seint, med 1 000 kr pr. yrkedag frå og med 21. januar. Søknader som er levert 20. februar eller seinare er avvist, med mindre føretaket har dispensasjon frå søknadsfristen. Kommunen og fylkesmannen må sørge for at dette blir sett i verk òg ved utbetaling etter hovudutbetalinga (manuelle utbetalingar).

7 Trekk i utbetalingar

Føretak med trekk i utbetalinga på grunn av motrekning, utlegg, tidlegare for mykje utbetalt tilskot eller erstatning, får dette spesifisert på tilskotsbrevet. Fylkesmannen har tilgang til lister på FM-sambandet, som syner kven dette gjeld. Dersom fylkesmannen skal utbetale tilskot manuelt etter klage eller feil, må ein gjere seg kjend med desse listene på førehand. Der eit føretak har heftingar i form av til dømes motrekning og utlegg, skal dette leggjast inn i rutine for manuell utbetaling og effektuerast, jf. rettleiinga. Sjå listene PT880, PT883 og PT886.

Vi gjer merksam på at det ikkje er høve til å foreta trekk i avløysartilskot. Det er fordi ordninga er ei refusjonsordning, som skal sikre føretaka moglegheit til ferie og fritid. Derfor kan det gå fram i tilskotsbrev at heile produksjonstilskotet er trekt, medan avløysartilskotet vert utbetalt til føretaket eller eventuelt til avløysarlaget.

PT880 Gjenståande trekk SLF/skjema

Desse trekka vert overførte automatisk til neste søknadsomgang. Dersom dei skal slettast, skal fylkesmannen gjere dette i trekkrutina i Saturn.

PT883 Innmelde trekk

Lista viser søknader med trekk, som ikkje kjem til sentral utbetaling.

PT886 Gjenståande trekk, motrekningar/skatt/mva/utlegg

Lista viser søknader som er utbetalt, og storleiken på attståande trekk av moms/skatt/utlegg. Lista viser også slike søknader som framleis ikkje er ferdig handsama. Attståande trekk skal effektuerast i manuelle utbetalingar i inneverande periode, men vert ikkje overførte til neste søknadsomgang. Det er fordi det ikkje er høve til å motrekne i framtidige tilskot: krav kan ikkje oppstå før søknadsfrist, og søknad må vera levert til kommunen.

Merk at fylkesmannen må gje tilbakemelding til Statens landbruksforvaltning, dersom attståande eigne trekk (sjå listene PT-880 og PT-883) skal slettast. Dette er viktig for at attståande trekk skal verte sletta før neste utbetaling.

Med helsing
for Statens landbruksforvaltning

Hilde Haug Simonhjell
fungerande seksjonssjef

Lars Jørund Østby
rådgivar